

金聲玉振集

六

金

石

山

石

山


石

蒙泉類博稿

金聲玉振集

岳正

雜言上



太初者理之始也太虛者氣之始也太素者象之始也
也太一者數之始也太極者兼理氣象數之始也
大道縱爲經橫爲緯經常也緯變也常者能一能一
故正正故大大所以公也變者不一不一或偏偏必
小小所以私也故君子之道正而大大而不能不公
百家之說偏而小小而不能不私守經以用緯者君
子之道也本經以致緯者百家之說也若夫二氏則

操緯以遡經夫操緯以遡經者逆也守經以用緯者順也本經以致緯者曲也曲者不得不私逆者不得不倍順者不得不公公私不兩立逆順不同科外百家闢二氏勢也母恠乎其然也

數五也而皇極經世以四爲用法先天也非不用五五所以用四也五神也四形也神之妙不可知不可見而常主宰十四也

崑少陽也靜與物交而成夢魄少陰也動與物合而爲祟意藏於脾而常靜感而後應應則出傳於肝是爲魂傳而至於心則極矣極則無所不知無所不能

故謂之神神也者不能常動也動極必靜靜則入入而歸於肺是名魄歸而至於腎則極矣極則無所與知無所與能復藏於脾矣

先天者理之氣者也後天者氣而理者也天氣也人氣之氣也氣也不能以違理而氣之氣者安得違氣而不有以奉其運乎

氣顯象象形也理分數數神也神因數而虛數因理而著理因形而寓形因象而成知乎此則知易矣

醫者死生寄焉學者之心主於愛愛仁之用也非仁之術乎周其用者或寡矣其失也不亦虛乎巫者鬼

神交焉學者之心主於敬敬禮之要也非禮之方乎
盡其敬者或寡矣其失也不亦僞乎兵所以定暴亂
也學者之心主於制制義之施也非義之攻乎當其
施者或寡矣其失也不亦詐乎卜所以決嫌疑也學
者之心主於明明智之體也非智之數也通其明者
或寡矣其失也不亦妄乎夫醫神農作之矣巫周公
官之矣兵黃帝謀之矣卜伏羲教之矣謂之方技術
數者非其流之罪乎按磨道引服食醫之流也祭醮
符籙咒詛巫之流也刑名縱橫遊俠兵之流也讖緯
堪輿祿命卜之流也其流愈分則其去道愈遠矣

首耳目口鼻舌外也上也兩手兩足外也下也心肝脾肺腎內也上也膽胃大腸小腸膀胱三焦內也下也耳肺之表也目肝之表也鼻心之表也口腎之表也首脾之表也五者天屬也天輕清成象親乎上故所入者亦輕而清目之所入者五色也耳之所入者五聲也鼻之所入者五氣也口之所入者五味也而首無所入以耳目口鼻之入爲入猶脾無所專兼統五臟而爲臟者也

竅陰也其數十而用者九指陽也其數十其一無名而附於中陰陽各虛其一也天數五地數五十者天

地之數虛其一者道也

星官之書有曰三垣者也有曰七政者也有曰二十八宿者也有曰衆星者也其垣曰天市者明堂之位也其曰太微者朝廷之位也其曰紫微者宮室之位也七政者日月五星是也天子之出以巡狩而有二十八宿者四方諸國之位也天子之出巡狩而有常居明堂之位是也天子之處燕息而有常居紫微之位是也天子之以聽治而有常居太微之位是也故天市太微之垣有曰帝座而不曰帝者天市帝歲一臨之也太微帝曰一臨之也而紫微者帝朝夕在

焉故稱帝日月五星必遵黃道歷天街歲一受事於
太微而後出猶大臣必稟天子之命於朝以行其職
業也二十八宿分列四方各守其野率諸經星以共
紫微之帝猶郡國百司各治其職統其民人以承天
子者也由是言之紫微帝可謂尊矣其勾陳中一點
又曰天皇帝釋之者謂其主御群靈執萬神圖夫一
宮豈容二帝哉蓋紫微用事之帝也天皇帝主宰之
帝也噫作星野也者其知道乎

崑崙首也中條脊也南北條左右臂也醫無閭尻也
大海膀胱也歸虛尾閭也島嶼兩足十指也土肉也

石骨也水泉血脈也岳臍也瀆腑也岡阜骨節也澤
孔穴也草木毛髮也氣而形也雨雪呵也風吹噓也
霜露汗也雷聲音也霆怒而呬也潮呼而汐吸也晝
寤也夜寐也晴明喜也晦冥愁也鬼神魂魄也日月
耳目也星宿口鼻也形而氣者也

血少陰也金也故其氣腥尿太陰也水也故其氣臊
髓少陽也木也故其氣羶屎太陽也火也故其氣臭
津隱於舌通於脾故其氣香

乾離艮巽巽爲陽之終坤坎兌震震爲陰之終震巽
者陰陽之交會也

震巽恒益恒益處震巽之中故邵子曰震巽相搏恒益起意意中也萬化之所由起也

乾左旋陽進交於陰也坤右轉陰進合於陽也陰陽交萬化生也

陽屬萬化動者也動者變陰屬萬物靜者也靜者定乾坤者天地之體也坎離者天地之用也陽生於陰積而浮上以成天體陰生於陽積而凝下以成地形乾用離坤用坎坎離之間動靜之機也

乾爲天天之用火也故離爲火火之聚也成雷其散也成風則震與巽又離之用也坤爲地地之用水也

故坎爲水水之出也源於山其入也滌於澤則良與
兌又坎之用也父生子子生孫之義也

天成形於上地具體於下形象也故露光體質也故
藏精精騰於上得陽象而爲神光布於下得陰質而
爲影日天之屬也故露光月地之屬也故藏精日得
月精而神月得日光而影

伏犧八卦一卦之所生也虛母而用七七七乘而四
十九太衍之用也虛一者太極也加一則五十大衍
之體也五與十天地生成之數也天交地而生地合
天而成故天地共虛其一以象極焉五與五天地對

待之數也天分地而上地離天而下故天地各分其一以象卦焉五十共虛其一得四十九而爲大衍之數五五各虛其一得八而成八卦之名

陰含陽陰外而陽內有陰卽有陽皇極經世自二而四以四爲極蓋二含一一分二二分四是一分二成陽旋陰化易也陽分陰陰此而陽彼離陰則無陰太玄自三而九以九爲極蓋二離一一乘三三乘九是有施而無成非易也太玄知數窮於九而不知用九之所以然不知用九之所以然者不知易者也太玄不能必傳也宜哉

經世準易而作也潛虛準玄而作也準易者子承父也準玄者支繼統也

元亨利貞以爲乾春夏秋冬以成歲四而五者也仁義禮智信以爲德金木水火土以爲行五而四者也四而五者舉四以成一五而四者主一以成四易之數也五非五也而潛虛起五玄悞之矣

有體者之謂物父子君臣兄弟夫婦朋友是也有爲者之謂事爲親爲義爲序爲別爲信是也所由者之謂道當親當義當序當別當信是也所得者之謂德能親能義能序能別能信是也

天下之事曰有曰無曰動曰靜曰常曰變曰吉曰凶
曰邪曰正曰虛曰實曰上曰下曰左曰右曰前曰後
曰內曰外曰小曰大曰長曰短曰厚曰薄曰多曰少
曰精曰粗曰淺曰深曰闊曰狹曰輕曰重曰尊曰卑
曰繁曰簡曰遠曰近曰肥曰瘦曰誠曰僞曰是曰非
曰利曰害曰往曰來曰屈曰伸曰純曰駁曰曲曰直
曰善曰惡曰妍曰醜曰得曰失曰逆曰順曰同曰異
曰彼曰此曰開曰闔曰呼曰吸曰張曰弛曰勝曰負
是故二氣盡之矣

五數曰三曰二曰五曰四曰一五方曰東曰南曰中

曰西曰北五運曰丁壬曰丙辛曰甲己曰乙庚曰戊
癸五聲曰角曰羽曰宮曰商曰徵五色曰青曰紅曰
黃曰白曰黑五味曰酸曰苦曰甘曰辛曰鹹五臭曰
羶曰臭曰香曰腥曰臊五星曰歲曰熒惑曰鎮曰太
白曰辰五帝曰太皞曰炎帝曰黃帝曰少皞曰顓頊
五神曰勾芒曰祝融曰后土曰蓐收曰玄冥五性曰
仁曰禮曰信曰義曰智五倫曰父子曰長幼曰朋友
曰君臣曰夫婦五事曰哲曰仁曰聖曰謀曰肅五體
曰筋曰脉曰肉曰骨曰皮毛五官曰目曰口曰形曰
耳曰鼻五臟曰肝曰心曰脾曰肺曰腎五液曰汗曰

涎曰涕曰唾曰精五蟲曰鱗曰羽曰裸曰毛曰介是故五行盡之矣

雜言下

或問曰管仲鮑叔孰優岳子曰亦叔也已矣日得桓公而佐之率諸侯一匡九有仲尼歸仁仲也而叔則載籍蔑聞焉雖其自稱亦曰臣所不如管夷吾者有五將安在其爲優哉噫牙進仲而齊伯仲庇三豎而齊亂亂齊者仲而伯齊者叔也叔惡乎不仲優邪浮屠氏學不立文字文字學已非矣不文字者學於他學又非之非者矣唐以前其學近古文字不傳難